



## Klas-natur « Frouezh an Diskar-amzer »

An diskar-amzer 'zo ur c'houlz-bloaz ma vez gwelet ur bern livioù brav en natur. Ar c'houlz eo ivez da gavout frouezh er c'hoadoù pe er werje... Peadra da dañva blazioù nevez pe ankouaet ! Evit deskiñ labourat a-stroll, gant ur spered skipailh, setu ur raktres a-feson evit bugale ho klas :

### Fardañ chug gant avaloù dastumet asambles !

Amañ dindan e kavfet ur program savet gant hon skipailh war ur sizhunvezh evit ar vugale da zizoloïñ an natur en diskar-amzer gant plijadur. Mont da bourmen er gwenodenoù, er c'hoad, er werje, chom estlammet gant ar gweledva, an delioù... Tañva kraoñ-kelvez, krazañ kistin, selaou kontadennoù en-dro d'an tan... Evel-just e c'hell ar program-mañ azasaat d'ho c'hoantoù pedagogel : posubl eo lemel, ouzhpennañ, cheñch, diblasañ traoù ennañ digudenn. Digor eo ar greizenn d'ar skolioù-mamm ha kentañ derez evit chomadenoù etre 2 ha 5 devezh.

	Lun	Meurzh	Merc'her	Yaou	Gwener
<b>Mintin</b>	En em gavout er greizenn  Staliañ an aferioù, dizoleiñ an en-dro.	Er c'hoad, furchal war-lerc'h frouezh debrapl :  * Sellet a-dost deus an togoù-touseg hag ar frouezh. Dastum ar re zo mat.  * Anavezout ar gwez, tresañ anezhe, tresañ ar c'hoadoù.	Dibab ha naetaat an avaloù  Dizoleiñ ar presouer	Drailhañ an avaloù, sevel ar bern ha lañsañ ar mekanik.	Renkañ ar c'hambreier hag an aferioù.  Sevel ur skritell evit ar c'hlas gant poltriji da diplegañ an heuliad traoù d'ober da fardañ chug avaloù
<b>Goude-lein</b>	Dizoleiñ ar werje, buhez ar gwez ha krouadur ar frouezh  Dastum avaloù	*C'hoari gant livioù an diskar-amzer  *Delioù zo a gouezh, lod ne reont ket. Pere, ha perak ?	Dastum frouez gwechall  Fardañ bara ha gwastilli gant kistin ha kraoñ-kelvez e forn-koad ar greizenn.	Sterilizañ ar boutalhoù ha leuniañ anezhe gant ar chug graet gant ar strollad.	Tañva ar chug, c'hoari bilañs
<b>Beilhadeg</b>	Baleadenn natur d'ar serr-noz...	Beilhadeg krazañ kistin ha c'hoari	<i>Nozvezh dieub</i>	E-tal an tan, kontadennoù en-dro d'an avaloù	

### Ur c'hlas-natur en diskar-amzer ? Perak 'ta ?

- *Da gregiñ mat gant ar bloavezh-skol, gant ur raktres*
- *Evit broudañ ar guriusted ha bevañ ur mare dreistordinal*
- *Evit kreñvaat ar spered skipailh*
- *Evit kompren an natur ha sevel darempredoù ganti*
- *Evit krouiñ liammoù pleustrek gant pezh 'vez desket er skol*
- *Evit bevañ en un en-dro disheñvel deus hini ar skol...*

